



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1709. usque ad annum 1714

Fleury, Claude

August. Vind. [u.a.], 1782

VD18 90119266

§. 60. Vincentii Grimani Veneti decessus & fata.

[urn:nbn:de:hbz:466:1-67615](https://nbn-resolving.org/urn:nbn:de:hbz:466:1-67615)

Sæc. XVIII.

A. C. 1710

Tandem Marcellus Ravennæ Legatus a Clemente XI. nominatus summa fide, prudentia, studioque tantum muneris partes adimplevit, simulque decus Ecclesiasticum, summique Pontificis jura constanti fortique animo sustinuit, donec a sua Legatione Faventiam reversus, anno ætatis suæ septuagesimo septimo meritorum coronam in cælis adipisceretur.

§. LX.

*Vincentii Grimani Veneti decessus
& fata.*

*Guarnac.
Vit. Card.*

Fatali etiam mortis necessitati hoc anno cessit Vincentius Grimanus origine Venetus, & patria Mantuanus. Hic emenso studiorum cursu Lucadensis Abbas in Sabaudiam secessit, ubi Leopoldo Cæsari apprimè addictus Ducem a Gallicis ad Cæsareas partes reduxit: inde Mediolanum delatus dum Eugenium Principem salutaturus equo suo descenderet, bis plumbea glande innoxie petebatur, & quamvis hujus sceleris Author haud detegeretur, nemini tamen dubium erat, Grimano eo quod Gallicum aurum respuisset, Gallicum plumbum fuisse obtrusum: Hoc tamen periculo defunctus, Viennam secessit, ubi Cæsaris quidem gratiam

sed propterea maximam Aulicorum invidiam sibi accersiverat, a Venetis quoque omnibus suis bonis, cunctisque suæ patriæ prærogativis privatus. Verum hæc ipsa fortunæ malevolentia Grimano salutis fuit; quippe a Leopoldo Imperatore animi sui gratitudinem testaturo ad Purpuram nominatus, Romam venit, quam tamen urbem ob dissidia inter ipsum & Martinizium Comitem Cæsaris Legatum exorta relinquere coactus, Viennam reversus est. Ob-eunte autem Innocentio XII. Romam ad S. Comitia redux, Clementis XI. utpote Gallicæ factioni adhærentis electioni obsistere, incassum tamen laborabat, atque ab eodem Cæsare suæ Domus Augustissimæ, necnon totius Germaniæ Protector, & a Josepho Cæsare apud Pontificem Legatus nominabatur, reluctans vehementer Hispanæ, Gallicæque partis fautoribus, qui eum velut turbidæ indolis hominem a Legati munere arcere frustra nitebantur. Incurrebat paulo post ipsius summi Pontificis indignationem, eo quod integram militum legionem pro Scarpalegia, qui tum Pontificias ditiones excursionibus suis multum vexaverat, conduxisset, quocirca Pontifex eidem anathematis poenam interminabat, cujus tamen metum impendentes

Sæc. XVIII.
A. C. 1710.

R 3

Cæ-

Sæc. XVIII. Cæsaris copiæ brevi dissipabant: Postquam vero Grimanus anno hujus sæculi octavo a Carolo III. Hispanorum Rege in Neapolis Pro-Regem nominatus fuerat, libertate moderationis limites excedente summo Pontifici, ut jam supra meminimus, aversum erga Austriacos animum exprobrabat, atque insalutato Papa & Cardinalibus Roma excedens, Neapolin venit, ubi a Nobilibus, Magistratu, cunctisque Collegiis summa honorum testificatione exceptus, ob integritatem, justitiam, leges Regno perutiles, & strenue procuratum populi commodum cunctis acceptissimus erat: Novum autem Pontificiæ offensionis argumentum existerat edictum, quo pecunias Romam mittere prohibitum, proventus Carolo Regi adversantium intercepti, & Pontifici jus in Neapolis Regnum, Beneventanam & Avenionensem ditiones delegatum: Verum a Pontificis ira Grimanus sat securum reddebat summa auctoritas, qua a Carolo Rege prædicta erat; quocirca pro suo arbitrio cuncti de Gallorum commercio suspectos gravibus poenis subjecit, Episcopos, qui proventuum exactores censuris perstringere ausi erant, custodiæ dantes Nuntii Ministros, eoquod anathematis literas affixerant, Regno expelli, S

Vid. supra
l. 214. §. 37.
pag. 676.
t. 67. §.
pag. 693.

culis Philippo V. adhærentibus bona Sæc. XVIII.
eripi, atque Abbatem Boschium suum A. C. 1710.
Secretarium proditionis reum laqueo sus-
pendi jussit, necnon ad belli expensas,
nova eaque gravia tributa populo & Nobi-
litati non sine maximis tumultibus ubi-
que exortis, imperavit: Postquam vero
Pontifex Carolum Regem Hispaniæ
salutaverat, Grimanus mitior factus,
prius edictum sustulit, captosque Epi-
scopos libertati reddidit: nec tamen
propterea æmulorum invidia, odium-
que resedit: Tandem vero hic Cardi-
nalis in periculosissimum morbum inci-
dit, quo conterritus literas submissione
plenas ad Papam dedit, ad quas Cle-
mens die vigesima sexta Septembris
respondurus, eundem hortabatur, ut
præprimis æternæ suæ salutis curam
haberet, ac memor, quam graviter
S. Sedem, Ecclesiæ auctoritatem &
Christi Sponsam læserit, aut lædi per-
miserit, vel ejusmodi læsiones promo-
verit, vel eas non impediverit, de-
num satisfacere, & famæ, conscien-
tiæ, æternæque suæ salutis consulere
non oblivisceretur, quo facto Pontifex
eidem indulsit, ut ejus Confessarius
authoritate Pontificia eidem plenam
peccatorum Indulgentiam, & Bene-
dictionem Papalem impertiri possit:
hanc tamen Grimanus morte præ-

Sæc. XVIII. A. C. 1710. ventus recipere haud valuit; jam enim die vigesima sexta Septembris, eadem nimirum die, qua Pontifex præfatas literas ad Cardinalem dederat, mortalitatem exiit annos natus quinquaginta octo. Redarguitur passim, quod Junius Cæsaris amplificare desiderans, non raro Ecclesiæ immunitatem neglexerit, & Pontificiæ auctoritati obdurato nimis animo adversatus sit.

§. LXI.

Principum atque illustrium extrema

Gottfrid. Hist. cont. Chron. l. 15. pag. 721. Ex Principibus hoc anno denatis primus occurrit Ludovicus Henricus Nassovio - Dillenburghensis Princeps, qui die decima quinta Januarii decessit. Hunc eodem fato sequebantur die decima septima Februarii Fridericus Augustus Saxonix Dux, die tertia Martii Ludovicus Dux Bourbonius, die decima tertia Maij Henricus Dux Saxo-Romhildensis, die decima octava Octobris in castris Christianus Ludovicus Princeps Anhaltinus, & die vigesima ejusdem Mensis Emanuel Saxo - Gothanus Princeps.

§. LXII.